

百宋樓藏書志

前宋樓藏書志卷七十七

存齋雜纂之六

歸安陸心源剛甫編

集部

別集類十一

宛邱先生集七十六卷

舊抄本

顧千里舊藏

**宋**張耒文潛撰

前有宛邱先生傳

張右史大全集六十卷

舊抄本

張月霄舊藏

**宋**

譙郡張耒文潛著

前有本傳

濟南集八卷

文瀾閣傳抄本

宋李廌撰

案此系坊賈所鈔故謬字甚多自陵州渡黃河  
歌不全疑有缺葉

高僧參寥詩十二卷

明刊本

**宋智昱禪師道潛參寥著**

陳無已送行序

陳氏手跋曰參寥子集十二卷宋僧道潛撰道  
潛本姓何於潛人墨莊漫錄云本名曇潛東坡  
爲改曰道潛東坡守杭州爲卜西湖智果精舍  
居之嘗坐得罪返初服建中靖國初詔復祝髮  
崇甯末歸老江湖嘗賜號妙總大師今所傳詩

集凡數本一題三學院法嗣廣定訂智果院法  
嗣海惠閱錄前有參寥子小影卽海惠所臨首  
載陳師道餞參寥禪師東歸序次載宋濂黃諫  
喬時敏張唐卿四序一本題法嗣法穎編卷帙  
俱同而敘次迥異所載陳師道序題曰高僧參  
寥集序與文中語意不符又吳之振宋詩鈔云  
參寥集杭本多誤采它詩未及與析是本爲明  
時歙汪汝謙校刊陳序亦作高僧參寥集序始  
卽從法穎本重刊未知視杭本何如耳嘉慶十  
年春日陳鱣記

又曰前引曇潛改名事今備載墨莊漫錄云呂  
溫卿爲浙漕旣起錢濟明獄又廢廖明略事二  
人皆廢斥復欲網羅參寥未有以中之會有僧  
與參寥有隙言參寥度牒冒名蓋參寥本名曇  
潛因子瞻改曰道潛溫卿索牒驗之信然竟坐  
刑之歸俗編管交州未幾溫卿亦爲孫傑鼎臣  
發其贓濫繫獄人以爲藉人者人必反藉之按  
此事行錄未之及故附書焉鱣再記

寶晉山林集拾遺八卷

舊抄本

宋米芾撰孫為編

前有墓誌銘

蔡肇撰

先祖南宮以文章翰墨雄視一代常崇甯間名  
動天子擢從外郡對便殿進奉常博士踐南宮  
舍人髮鬢清望矣而百未施一天不假齡悲夫  
此所以重識者超羣邁德絕俗之歎矣然字畫  
之傳內而祕府外而巨室遠而遐方異裔幽而  
山區海聚人皆祕玩一 殆踰千金其視朶雲  
之翰籠鵝之墨高麗之募金老人之求判殆越  
宇宙而同時至於文章短篇閎深雄麗夔絕一  
時故先祖雖未顯而文價已喧如寶月觀賦一  
出巨儒若東坡最擊節賞音他可知矣先祖遺

文按待制蔡公天啟誌墓文有山林集百卷若  
宣己子聖度錄等文又數十卷適靖康變故先  
君閣學僑寓溧陽僅脫身于崎嶇兵火之中異  
時寶晉所藏皆希代所見靡有子遺故先集亦  
不復存在以故尙未顯行于世憲不肖之孫緬  
想祖烈重以先君閣學治命每歎遺稿未充廣  
傳爲沒齒深恨憲欽承先訓勦心療形遠求博  
訪哀聚縷積迨今五十年矣而六丁勅將毫芒  
僅存故笈筴雜疊青氈並藏自書史畫史硯史  
外其他詩文纔百餘篇懼遺編之墜地致潛德

之晦蝕乃卽筠陽郡齋命工鋟板以遺世之欲  
見是書者庶可無愧於彥芳之藏筆魏謩之寶  
笏如其發揮幽光垂示將來則有俟于大手筆  
序而冠諸篇首云嘉泰改元初禛歲次辛酉月  
紀太族日御乙亥嗣孫米憲拜手謹識

案寶晉山林集一百卷亾于南渡 四庫所收

寶晉英光集八卷乃岳珂所輯後人又有附益  
者也此本爲其孫米憲所輯嘉泰初刻于筠陽  
郡齋卷一賦卷二詩卷三長短句卷四文卷五  
寶章待訪錄卷六書史卷七畫史卷八硯史各



家書目罕見著錄余從杭州丁松生大令借得影宋抄本傳錄亦罕觀之祕笈也岳本輯于紹定五年上距嘉泰改元二十八年似未見此本者不可解也

寶晉英光集八卷

舊抄本

宋襄陽米芾元章著

予仕居澗餘十年會羽書交馳凡訪古蹟奇皆日力所不暇僅能考海岳一遺址塹槿爲圖薦菊爲桐倚江爲堂礮石爲刻時一至其間倚徙縱目慨想摩挲而已夫自江而南名城奧都澗

爲大六朝而下賢規構轍潤爲古而又據景物  
之會窮心目之趣惟潤爲多人或咎予謂歷數  
千百載它豈無名人才士可以表著而獨惓惓  
於英光子每應之曰境無凡勝以會心爲悅人  
無今古以合蹟爲奇若杖履無日涉之勞江山  
有天境之助風帆沙鳥晨雨夜虹凡是園之所  
包羅眾目之所覩記者莫不挾英秀露光彩雖  
微遺跡猶將強附而俎豆之而況我宋人物如  
南宮者耶夫旣卜園觀則不可以不祠旣祿祠  
則不可以不摠遺佚考文翰以備一堂之缺旣

蔚摹珠之事而擲放失恪編次爲是集以傳又  
次序之所當舉而必不可無者也則又奚疑或  
者無以答予按山林集舊一百卷今所會粹附  
益未十之一南渡而後文獻不足固無可議若  
曰南宮被天鑒流榮名其在兩朝元不顧以結  
字思陵翰墨志有曰芾之詩文語無蹈襲出風  
烟之上覺其詞翰同有浚雲之氣噫噦此漢武  
帝所以知相如也冠於篇端庶幾覽者有以自  
得焉紹定壬辰歲上巳日鄂國岳珂序

石門文字禪三十卷 明支那刊本

宋江西浮溪石門寺沙門釋德洪覺範撰門人  
覺慈編錄

釋達止重刊序 萬曆丁卯

青山集三十四卷 張立人手抄本

**宋**當塗郭祥正字功父撰

淮海先生前集四十卷後集六卷長短句三卷 明嘉靖刊本

**宋**秦觀少游撰

盛儀序 嘉靖乙巳

張繼序 嘉靖己亥

張繪跋

嘉靖乙巳

淮海集四十卷後集六卷長短句三卷

明萬曆刊本

宋高郵秦觀少游撰

盛儀序

張繼序

李之藻序

萬曆戊午

姚鏞序

萬曆戊午

長興集殘本十六卷

抄本

**宋**龍圖閣學士沈括存中著

原四十一卷今

缺卷一至十二卷二十九至末共缺二十五卷

雲巢編十卷 抄本

**宋** 太常寺奉禮郎審官西院主簿沈遵睿達著  
倚松老人詩集三卷 舊抄本

**宋** 饒節德操撰 **撰** 每卷末有慶元己未校官黃  
汝嘉重刊一條

倚松老人饒德操名節江右臨川人與呂居仁  
等稱江西詩派名震一時後偕僕祝髮爲僧德  
操名如璧僕名如琳俱嗣法於香巖智月按禪  
燈世譜智月嗣投子禹禹嗣圓照本皆雲門宗  
派惜未見其機緣語錄載在祖燈僅有此詩集

三卷庶可以見其所蘊呂紫微詩話云德操爲僧後詩更高妙不可及也歲甲申秋八月吳後學釋超峻謹識

倚松老人詩集三卷

舊抄本

**宋饒節德操撰**

釋超峻序

西塘先生文集十卷

明刊本

**宋鄭俠撰**

祖舜爲兒童時已聞邑有鄭先生之賢而未識也旣冠與鄉貢始獲謁公而謝之親承誘誨因

目前輩老成之風實政和丙申歲也其年如京  
師又八年竊第東還則公亡矣已而從陳直講  
國材遊乃聞公出處之詳且得公所爲大慶居  
士白敘而讀之有曰幽暗闃寂此正祇鬼着眼  
處是以不自欺于方寸由是知公平居克己不  
愧屋漏其學一本於誠而已抑嘗驗公之所言  
所行與夫居鄉黨處患難無一不合於道者蓋  
有所本而然初公在金陵以詠雪詩見賞遂游  
其門及言新法不便於民始獲譴怒公終不肯  
詭隨持論益堅其篤道有守如此與王安國議



論素合公坐封事繫獄株連及之獨能慷慨發  
言使友人不致暱其親而有隱其信義服人如  
此自爲小官極口論大利害雖死不顧兩遭竄  
貶顛跌艱隘初無慘沮之容卜策嶺外若將終  
身焉則其在困窮不改其操矣晚歲逢恩南還  
徜徉里閭意趣超然至於疾病易簣了無遺恨  
尙能哦詩有身如過鳥在雲邊之句則又不惑  
於死生之際矣公之始末槩見于此聲名雖暴  
於一時道業不顯于當世君子惜之若乃發爲  
詞章雖數千萬言特公之餘事耳公之生平著

述類多散逸公之孫嘉正毫聯縷緝僅得其十  
之三四其孜孜孝誠不忍遺墜之意可尙也學  
者尙能由斯文以究先生之學之守誠可爲末  
俗無特操者之戒云先生諱俠字介夫西塘蓋  
其所居之地名也隆興二年十月朔日葉山黃  
祖舜序

先大父隆興甲申守盱江以所藏高大父教授  
朝奉西塘遺文敘緝成編蒙大資黃公爲之序  
遂刊寘公府今四十七年矣乾道丁亥簡肅侍  
郎林公出鎮九江就集中刪其代人作者又錄

高大父之言行附于末鈔板郡齋涪熙改元大  
師左丞相史公出帥鄴邦復取斯集親爲題跋  
而刊之皆以大資黃公所爲序冠之篇首嘉定  
庚午元清備數金陵酒掾因思盱江所刊之本  
欲見之而未能致一日會同官府判鄭祕閣忽  
謂於郡侯張寺簿有疇昔之好特爲貽書及之  
未幾果得舊本開卷敬誦其他篇帙不紊顯末  
但其序已不復存得非歲久而遂亡之邪元清  
敬取篋中所藏副本繕寫命工鏤之亟附便郵  
還賓盱江書庫以補集中之脫簡云三月二十

一日元孫承議郎充提領建康府戶部贍軍酒  
庫所主管文字賜緋魚袋元清拜手謹書

葉向高序 萬曆己酉

陳勳跋

濟北晁先生雞肋集七十卷 明刊本

**宋晁補之撰**

自序曰雞肋集左朝奉郎祕書省著作郎充祕  
閣校理國史編修官濟北晁補之无咎自名其  
所爲詩文也夫物有質者必有文文者質之所  
以辨也古之立言者當之平居論說諷詠應物

接事不能無言非虎豹犬羊之異也食之則無所得棄之則可惜其雞肋乎故哀而藏之謂之雞肋集元祐九年二月旦日序

從兄旡咎平日著述甚富元祐末在館閣時嘗自製其序宣和以前世莫敢傳今所得者古賦騷辭四十有三古律詩六百三十有三表啟雜文史評六百九十有三自捐館舍逮今二十八年始得編次爲七十卷刊于建陽紹興七年丁巳十一月旦日弟右朝奉郎權福建路轉運判官謙之謹題

嵩山集二十卷 舊抄本

**宋**景适生晁說之字以道一字伯以撰

先大父平生著書曰易商瞿大傳曰易商瞿小傳曰商瞿易傳曰外傳曰京氏易式曰易規曰易玄星紀譜曰詩晁氏傳曰詩論曰書晁氏傳曰書論曰春秋晁氏傳曰春秋辨文曰春秋年表曰中庸傳曰古論大傳曰論語講義由壬寅年孝經論語及五經小傳曰歷譜凡十有九種并雜著文字曰儒言曰參記許氏文字曰昇同志曰有舊曰養素削觚曰山下草堂雜書曰石

鷓志曰唐逸士志曰清心堂雜誌曰隨省曰摺  
麥曰嵩外墨省曰晁氏彙訓凡十有三種合有  
三十二書其他文章不在焉固有已行于世者  
唯易傳用昔人之戒期死而後出之靖康之後  
兵火屢更平生文字與五經圖書悉爲灰燼建  
炎二年僑寓海陵乃自歎曰平生述作無復存  
者唯志于易今老病之軀存于灰燼之外者幸  
也病能飲食而于易則不能可乎遂追述舊作  
爲周易太極傳又爲外傳及因說是年渡江來  
寓金陵先是二聖北狩中原陸沈痛憤溼鬱連

年抱疾至是增亟終於舟中實建炎三年正月  
七日也享年七十一其遺言殮以時服藁葬僧  
舍不封不樹无以文誌墓第以吾道號刊諸石  
待他日遷附先塋汝等若訪類吾遺文則以嵩  
山景适生目之蓋公平生慕溫國司馬文正公  
之爲人也晚年留意于天台教日誦法華經則  
自稱天台教僧又號老法法華家有昭陵所賜  
文莊公飛白國安二大字則又號國安堂主子  
健不肖不足以顯揚吾先大父伏白捐館之後  
徒步往來江浙間求訪遺文者三年得上朝廷



章九古律詩三百二十有二易規十有一洪範  
 小傳一詩之序論四雜文十有七書十有六序  
 十有三墓誌等九記贊銘題跋四十有九編成  
 一十二卷其題則謹如先志云又得京氏易式  
 并周易太極傳及因說與外傳稿繕寫藏于家  
 以俟後之君子嗚呼先大父平生所述文字亡  
 軼盡矣今得之百无一二子健倘未死謹當繼  
 志博求隨其所得以編次然不敢以一言述美  
 先德竊攷古今圖書莫盛于隋之御府所藏然  
 隋之書悉沒于河多不見于世世之學者徒見

其藏書之目每爲之興嗟痛惜故今于文集之後悉記其所著之目知後之墮者必有掩卷歎惜者矣豈獨不肖之孫子哉紹興二年正月二十八日孫右迪功郎特差監潭州南嶽廟子健記

先大父待制生平著述甚富晚遭離亂散失幾盡紹興初子健編集所得之文止成十二卷但竊記所亡書目于後及旣宦遊江浙蜀淮荆襄往來博訪所得加多重編爲二十卷而東南之士多未之見謹用鋟木于臨汀郡庠以廣其傳

唯是收拾兵火之餘傳寫訛缺異同不敢輒易  
改補去取尙俟他日訪本校正始子健約叔位  
季弟子闔同力訪求每有所得互相傳錄茲以  
索之未至迫于受代據子健所有今先刊行且  
約諸孫博訪不怠隨得附益或爲外傳以傳今  
列名于後所期博雅君子肯有藏者舉以見授  
俾獲廣先大父著述之志實諸孫之至願也乾  
道三年歲次丁亥五月戊戌右朝散大夫權知  
汀州軍州主管學事管內勸農事借紫晁子健

謹記

吳芟晁先生詩集一卷

明晁汝璣重刊宋本

**宋**澶淵晁冲之叔用撰

**撰**

卷末有慶元己未校

官黃汝嘉刊一條

子彘游都城於晁用道爲同門生後三十六年  
識其子公武於涪陵又二年見之於武信愛其  
辨博英峙辭藻藹如也因與之善初不知其爲  
用道子也一日來謁曰先公平生多所論著自  
丙午之亂埃滅散亡今所存者特歌詩二百許  
篇涪陵太守孫仁宅旣爲鏡諸忠州鄆都觀官  
然林木之間矣敢丐先生一言以發之子亟聞

其語謝曰願聞先君之所以含咏而獨游者公  
武於是出其家譜諫乃知其先君名冲之字叔  
用世所謂具茨先生者也予於是聳然曰是必  
吾用道也耶第今字叔用爲小異耳已而追懷  
平昔周旋之舊蓋自京師之別絕不相聞今乃  
幸與其子游又獲觀其所論著爲之慨歎者久  
之嗟乎子安得不爲吾用道一言哉方紹聖之  
初天下偉異豪爽絕特之士離譏放逐晁氏羣  
從多在黨中叔用於是颺然遺形逝而去之宅  
幽阜廕茂林於具茨之下世之網羅不得而嬰

也暨朝廷諸公謀欲起之通復任心獨往高挹而不顧世之榮利不得而羈也至於疾革乃取平生所著書聚而焚之曰是不足以成吾名世之言語文章不得而汚也由是觀之叔用之所以傳於後世者果於詩乎顧其胷中必有含章內奧而深於道者矣宋興五十載至咸平景德中儒學文章之盛不歸之平棘宋氏則屬之澶淵晁氏二氏者天下甲門也太子太傅文元公事章聖皇帝飛翔禁苑垂二十年當是時甄明舊儀緒正禮樂一時詔令皆出其手於是朝廷

典章法度之事非六籍之英則三代之器也迨其子文莊公繼踐西省是時文元公方請老家居也宋宣獻以謂世掌書命者惟唐新昌楊氏及見其子而晁氏繼之至慶厯中遂參大政議論深博識者趨之然則叔用以文莊爲曾大父以文元公爲高祖其家世風流人物之美淵渟浚深蓄厚而發遠自王文獻李文正畢文簡趙文定四三公富有百氏九流之書而晁氏尤瓌富閱溢所藏至二萬卷故其子孫焯掌勵志錯綜而藻續之皆以文學顯名當世子嘗從叔用

商近朝人物嘉言善行朝章國典禮文損益靡  
不貫洽由叔用之學而達諸廊廟之上溫厚足  
以代言淵博足以顧問則以詩鳴者豈叔用之  
志也哉雖然叔用既以油然棲志於林澗曠遠  
之中遇事寫物形於興屬味其風規淵雅疎亮  
未嘗爲懷怨危憤激烈愁苦之音子於是有所  
見叔用於晦明消長用捨得失之際未嘗不安  
而樂之者也嗚呼所謂含章內奧而深於道者  
非耶秦漢以來士有抱奇懷能留落不遇往往  
燥心汗筆有怨誹懷懣沈抑之思氣候急刻不



能閑遠古之詞入皆是也太史公作賈誼傳蓋以屈原配之又裁錄其二賦焉至誼論三代之陶世振俗固結天下之具與夫秦之所以暴興棘亡斬艾天下之術則遷有所不錄也何哉豈遷之意謂誼一不平於其中遂哀怨噫鬱泣涕以死借使文帝盡用其言則誼亦安能有所建立於天下乎惟深於道者遺於世而不怨發於詞而不怒君子是以知其必能有爲於世者也嗟乎吾於叔用豈直以詩人命之哉紹興十一年九月五日陵陽俞汝礪序

案晁冲之字叔用鉅野人侍郎公武之父衢本  
郡齋讀書志作三卷書錄解題作十卷此明晁  
汝璞覆宋刊本未有慶元己未校官黃汝嘉刊  
一行想黃汝嘉所合并凡詩一百六十七首劉  
後村稱其不擬伊周倍殿下相隨于薦過樓前  
一聯今具載集題作次二十一兄季此韵則爲  
原編可知 四庫所未收也

吳郡樂圃先生餘藁十卷附錄一卷

張立人手抄本

**宋朱長文撰**

姪孫中奉大夫知漢陽軍事賜紫

金魚袋思哀次

後附墓誌銘

張景修撰

墓表及

國史文苑傳

米芾傳

圖書五厄自古有之爲人後嗣而不能明著其先德於後世是亦有所負焉 樂圃文集舊百卷家藏古今篇帙動萬計與夫數世聚族之居堂宇亭榭名花古木罹建炎兵火之難吳城失守一日翦爲劫灰其後獨先生春秋通志復傳本於他郡僅有全編思玷處孫列自幼搜訪樂圃餘藁每得一篇必珍而藏之今哀集有年矣他未有所增益豈非詢之未廣而求之未裕歟觀伯父都講痛心疾首之言每竊傷歎思老矣

深懼異時墨淪紙弊不能久其傳今雖百卷之中僅存十一然雄文麗藻恐又將堙沒遂止憑所藏得古律詩大小百六十有三記五序六啟七墓誌五世譜題跋祭文賦書銘各一類爲卷十捐俸募工以鈐諸木又以誌銘墓表國史特書之傳伯父爲先生而作書題表奏附於卷末且以見吾家義風業儒有所自來而故交名族多爲今代顯人必有博洽君子廣藏遺逸以補闕亡庶使舊編他日再獲全備亦仁者用心也

紹熙甲寅孟冬望日姪孫思謹序



函宋樓藏書志卷七十八

存齋雜纂之六

歸安陸心源剛甫編

集部

別集類十二

雲溪居士集三十卷附錄一卷

文淵閣傳抄本

宋華鎮撰

臣初成言伏觀明詔搜訪書籍者竊以藏在私家業久虞於失墜迨茲盛世書方切於褒蒐十行爛雲漢之章六丁謹雷電之勅束帛有賁軒載奔發孔壁所藏盡禹穴之探殘編蠹簡片

幅斷碑煌煌乎盤盂之銘矯矯若鐘鼎之字下  
爲稗說上極皇墳莫不摶載而來肩摩自列羣  
言入奏不惟漢牘之三千祕府遂盈何止唐卷  
之八萬曲盡古今之目大摺文物之光宜臣激  
愷氣於衷腸永孝思於手澤願惟家學難冒天  
聰臣初成誠惶誠恐稽首頓首臣聞剖楹發書  
言徒遺於子壯在枕置橐上緊待於時明事則  
殊途誠終其貫巾箱舊矣卷軸紛然鏤鑰一開  
湛凝塵而盡去纓冠再拜疑遺墨之未乾懷慨  
移時想見平日或訓過庭問之授或侍執燭際

之成因欲傳家儻能垂世歲深道遠懼將泯沒  
而無傳風動雲興欣值作成之有道勉思自竭  
冒昧上陳恭惟皇帝陛下湯聖日躋舜德天合  
至仁曲被於動植大孝足通於神明慶明良千  
載之逢繫祖宗萬世之業政刑振起號令興行  
臥鼓棄弓固已掃除於氛翳橫經講藝又將黼  
藻於太平衣冠之屬羣趨弦誦之聲四合如先  
臣鎮生於遠俗起於諸生係志斯文當哲皇徽  
宗朝嘗有述矣名試博士如孫覺豐稷輩更推  
挽之既艱遠業之圖尤重空言之託丘山仰止



曾毫末以無遺日月行焉苟容光而必照臣是  
用載在方冊悉送上官雖未能裨丁部之多亦  
庶幾塵乙夜之覽野人屬意獻徒效於美芹先  
臣有知忠尙期於結草今有先臣雲溪集一百  
卷楊子法言訓解一十卷書說三卷會稽覽古  
詩一百三篇并目錄二十五冊謹繕寫隨表上  
進干冒天威臣無任瞻天望聖戰慄屏營之至  
謹奉表以聞臣初成誠惶誠恐稽首頓首謹言  
紹興十四年六月日右朝散郎監行在權貨務  
都茶場賜緋魚袋臣華初成上表

始余得故朝奉大夫華君鎮會稽覽古一百三  
篇知其爲好古博雅之士也疑其文采足以竦  
動時聽而名不昭何哉紹興壬戌來爲是邦君  
之子初成奉君文集一百卷求余文冠其首曰  
多矣哉余旣得盡觀其文又益以知其人蓋介  
然自重不輕以求人之知也其名不昭固宜君  
之文精深典贍而詩道麗逸發其他眾製爛然  
皆有體則非涵養蓄蘊之厚不能發之如此也  
元豐間孫覺豐稷在朝皆薦君堪博士不報卒  
老州縣其治行泯沒不得顯白於世矣而文又

不昭焉嗚呼其可惜哉然初成能盡力以圖傳  
君之文於世亦足以不朽矣君嘗自號雲溪居  
士用以名其集紹興癸亥八月晦日資政殿學  
士左朝奉大夫知紹興軍府事兩浙東路安撫  
使馬步軍都總管樓炤序

惟華氏其先蓋出于商二十九世微子歸周開  
國于宋又八世至于戴公考父食采於華子孫  
以邑爲氏世爲宋卿仕兩漢魏晉爰及江左遂  
爲世家其後或仕或隱數百年間未有顯者至  
先君復以儒術百家經史諸子與夫陰陽方技

之書罔不口誦心維未始須臾廢也及登仕版  
頗有經世志元豐末嘗獻所業于朝召試太學  
博士會革試法以奏舉中書舍人孫公國子祭  
酒豐公卽以先君應詔兩上不報先君平生亡  
所嗜好惟喜讀書至老不倦故能力效前聖之  
微言深究昔賢之書畫發爲文章諸德兼備雖  
詩與詞皆有典則非雅言不載也其書則眞行  
草隸率盡其妙小篆又工作吏州縣奉法循理  
以利澤民物爲心不爲奇以賈名故亡赫赫顯  
功而所至稱治糾曹營道平反居多賴以免於

死者甚眾嗚弦洛邑化務愷悌嘉禾甘露皆致  
其瑞四鄰五邑有蝗害稼而獨不至其境攷課  
爲京西第一爲郡漳南政尙中和惠民以德馭  
吏以嚴革諸利主者請託之弊易之以公舉探  
籌而補期月之間州以大治然卒不得乘其時  
行其道于天下識者咸惜其不偶而先君未嘗  
以爲意嗚呼先君已矣所可傳者惟文初成念  
欲鏤板行于世每以奔馳薄官汨沒簿領未遑  
編綴比緣待次里閭遂得哀集遺文躬自書校  
幾四十萬言離爲百卷倘非宗工鉅儒爲之冠

序曷以傳之不朽茲者幸樞密資政樓公來帥  
會稽敬以先君之文求序焉獲遂所請昔柳公  
權唐之偉人也當時大臣之家碑誌非其筆人  
以子孫爲不孝今先君之文得樞密公爲之序  
親染翰墨光耀簡策垂之無窮而初成區區積  
年之志一旦獲伸不特無媿於唐史臣之言而  
先君亦足少慰於地下矣豈不幸哉謹并以楊  
子法言訓解一十卷書說三卷會稽覽古詩一  
百三篇小詞一卷會稽錄一卷哀文一卷鏤之  
于板以廣其傳焉紹興十三年癸亥九月望日

男右朝散郎新差監行在權貨務都茶場賜緋  
魚袋初成謹書

先君遺文有雲溪集一百卷揚子法言訓解一  
十卷書說三卷會稽覽古詩一百三篇長短句  
一卷會稽錄一卷并附見者哀文一卷定爲一  
百一十有七卷孔子曰我欲託之空言不如載  
之行事之深切著明也先君富於藝能頗有經  
世志徒以不苟合世莫有知而用之者其間雖  
或用之亦不甚力要惟不能深知之故耳爲郡  
漳南未幾而沒嗚呼悲夫漳南所欲設施者且

猶未盡而汎生平之所欲耶求之行事固已不  
可多得所從託于不朽者惟空言而已今取世  
所通知者不過神功盛德詩頌書說當獻之先  
朝與夫會稽覽古詩近稍流布于士大夫者百  
餘卷藏之篋中日月浸遠卷帙散漫其能免摩  
滅者幾希夙夜用懼奈何遺孤人地凡冗念非  
推借于名公鉅人則無以增重其價而鏗錫震  
耀斯人之耳目屬者樞密大資樓公來會稽敬  
以遺文冠序爲請乃蒙矜從仰惟文章翰墨妙  
絕一時將令來者失聲歎息誠不待披先君之



文而先君之志可知也嗚呼盛歎樂道人之善  
非公殆不能與于此是用鑱版而傳之然紙墨  
可具也其文四十餘萬言繕寫抑末也重念弗  
躬弗規則無以稱平昔之勤而伸罔極之報者  
若夫體制則初成不當言及已見於樞密公冠  
序矣至於世系之遠近出處之前後則有墓狀  
云紹興十三年九月旦日男右朝散郎新監行  
在推貨務都茶場賜緋魚袋初成謹書

演山先生文集六十卷

影寫宋刊本

小草齋舊藏

宋黃裳撰

延平有劍潭焉綿亘數百里有蛟龍盤礴其下  
州之北有山焉曰演峰氣狀清爽恠麗有神人  
栖息其間尙書端明黃公冕仲於茲宅焉煦清  
冷以爲姿蒸鮮榮以爲體鏗鏘乎事業而奮發  
乎文章旁紹曲摠橫貫勁出竊謂演峰英偉之  
氣鍾乎公之身著爲公之文若不發不休者公  
所爲文集命曰演山蓋有取焉爾公以文章鳴  
於世在元豐間策試於庭實魁多士士之學爲  
文者由是始知有公之名然所知者止此耳公  
之高文大冊汪洋瀚漫不知紀極在韋布初收

拾遺藁已四十卷嘗自爲之序道其梗概旣而  
歷華要階常伯不倦著述所積愈多類而折之  
爲卷凡六十焉其淵源六經栽培教化要之議  
論一出於正而後已其他所作時得方外之致  
飄飄然出塵物表逸歌長句駿發踔厲兼眾體  
而有之若未易名狀悅自牛角竊窺其一二於  
竿牘中嘗肉一瓣大嚼乎五鼎之味紹興庚辰  
與公季子同僚宗邨遂與聞公之爲人比復遺  
公所爲全集再拜敬讀日不足繼之以夜且以  
自釋曰讀其書見其人而師事之幸之大也其

書雖存其人已古若可恨也亦可慶也東坡先生方童稚遊鄉校觀徂徠所爲慶厯聖德詩則知敬愛范文正公及來京師竟以不及見爲恨旣而得公之文而爲之序且自喜獲挂名文字中間以自託於門下士之末士之好古墓道者志意不衰如此公生平行事當與文正相伯仲而悅欽慕之誠竊自託於東坡雖然公之名固足以垂不朽若無待文而後傳亦無待悅之序而後顯悅旣誦公之文日久復喜得其全於不覩之後茲序之作義不敢辭故以云左朝散郎權

知温州軍州主管學事兼管內勸農事偕紫金  
魚袋莆田王悅序

自序曰演峰延平之北山晉人演客寓焉傳者  
以爲演客避晉煉丹於其上丹成飛舉而去莫  
知其所自其峰之勢下爲三支中一支州宅之  
所據奔驟而南向至乎劍潭之濱而後已予宅  
在焉朝雲旣斷萬仞橫空夕照方收千岩凝碧  
神深氣爽果致高眞發育誰知道丹常在鸞鶴  
之蹤州霞之景牛斗之光風雷之信有時變現  
南北相照而予常以自適獨游乎其間或曳杖

以穿雲或擊舟而泛月對景無係觸類有感道  
德之鄉義理之境乘興而言惟意所在焉布衣  
時寘鄉士之列所爲文收拾遺藁得四十卷自  
古善言陰陽者及今日事皆如其說故以演山  
名其集山之下予之長養成就不忘其所自焉  
因敘其事以見於世云

宋興承五季餘風士弊於俗學久矣神宗皇帝  
以經術造士崇黜浮當是時演山先生首以  
高明自得之學溫厚爾雅之文爲諸儒倡及射  
策丹雘天子覽其對而異焉親擢以爲第一由

是名喧宇宙學者仰之如泰山北斗得其片言  
隻字競傳錄以爲楷式殘膏賸馥沾丐後人多  
矣歷年浸久中遭危亂先生遺文類多散逸先  
生之子孫毫聯縷緝次爲家集而他人或未之  
見也歲在乙酉先生季子出守盱江諸生聞五  
馬將入境舉欣欣然有喜色而相告曰吾郡得  
賢太守乃端明黃公之裔端明之文吾儕平日  
恨不得其全而觀之自今可覩矣公下車累月  
挺因以諸生之語白之請以先生之文刊之學  
以廣其傳公曰唯乃治其藁爲六十卷屬挺是

正舛訛挺觀先生平時所著則已慨然有經世之意及志得位顯一篇一詠凝情物外筆下無一點塵埃反如山林逸士之語其所養有大過人者或者以爲謫仙中人信不誣矣仰惟先生之立朝深謀傑誠爲時蕃龜所藹之施百不一二方且守易退之風享難老之福嗚呼賢矣哉此邦士子讀其書詠其詩視其平生出處之大節而景慕之異時登巍科歷顯仕爲名卿才大夫未必不由此也左從事郎充建昌軍學教授

廖挺謹題



先君由布衣取巍科歷顯要享高壽自少年已  
慕清修之道其他一無所嗜好居官之暇日必  
以文墨自娛每有著述必高臥腹藁旣而走筆  
成章其流傳於世者人竟以抄錄自後子孫以  
先君布衣時所爲文章相繼編次爲家集幾三  
十萬言建炎丁未寓居錢唐會兵亂陷圍城中  
悉皆散亡比寇平凡歷年求訪僅得二十餘萬  
言其不存者奏議表章居其半竟不能成全集  
然玠竊觀古經書及後世名人所爲文必待聖  
賢剛削訂正以取重當世如先君之人雖未經

先哲去取然皆自得於胸襟故盡以其所求訪  
之文釐爲六十卷迄乾道改元初夏玠被命來  
守是邦會鄉人廖挺爲軍學教授惜其文之不  
傳請校勘舛訛鏤板于軍學庶傳之永久爲學  
者矜式玠敢不敬從其請而書其後云乾道丙  
戌孟夏玠謹識

右從政郎建昌軍錄事參軍權判官譚壽卿左  
從政郎充建昌軍軍學教授權通判廖挺右朝  
請大夫通判建昌軍主管學事兼管內勸農營  
田事賜紫金魚袋張公袞右朝請大夫權發遣

建昌軍主管學事兼管內勸農營田事賜紫金魚袋黃玠

案此謝在杭影宋抄本每葉二十行每行二十字版心有小草齋抄本五字卷中有晉安謝氏家藏圖書朱文大方印周元亮抄本白文方印曾在李鹿山處朱文長印蓋此書本謝在杭所抄入本朝歸周亮工後又歸李鹿山余則得之楊雪滄中翰皆閩人也三百年前抄帙完善如新亦可貴矣

姑溪居士文集五十卷後集二十卷

書抄本

宋李之儀撰

李公端叔以詞翰著名元祐間余始得其尺牘頗愛其言思清婉有晉宋人風味恨未覩他製也乾道丁亥假守當塗因訪古來文士居此邦而卓然有聲於世者惟李太白郭功甫與端叔三人郡舊有太白功父集而端叔獨闕然求於其家而子孫往往散落無復遺稿問得之邦人類而聚之命郡士戴鞏訂正釐爲五十卷錢板於學昔二蘇於文章少許可尤稱重端叔殆與黃魯直晁无咎張文潛秦少游輩頡頏於時今

觀其文信可知已或謂端叔晚節銳於進取有所附麗雖若可疑然范忠宣公遺奏極于鯁切詆斥不顧一時用事者欲寘忠宣之子于理端叔慨然自列謂賢出其手旣而公所爲忠宣行狀復出由是得罪南遷廢錮終身曾不少悔其勇於義若此詎可以微瑕掩之哉余固愛其文又表其行誼之可嘉者併以詔於後云端叔名之儀其先景城人旣謫而南始居姑溪自號姑溪居士今以名其集天台吳芾序

姑溪居上文集五十卷後集二十卷

舊抄本

宋李之儀撰

吳芾序

滴水集十六卷

文淵閣傳抄本

宋李復撰

無名氏跋曰長安李復有滴水集刊於信州晦翁屢稱之子近得其集論車戰及邢恕造舟黃河事說易尤多可取蓋早有聞于橫渠者未詳知其出處也及樓攻媿集謂滴水先生多入陝西戎幕曉暢邊事腐夫握兵以抗論不合坐廢則必忤童貫也金虜犯關中年高且病乃以爲

舊德觀兵強起以守秦州卒死于賊則必靖康  
時也有孫龜朋字才翁爲參政錢端禮之館客  
端禮孫象祖之師嘗魁流寓解不仕有迂論于  
世居台州

道鄉先生鄒忠公文集四十卷

明正德刊本  
葦舊藏

季滄

**宋鄒浩撰**

後附諫哲宗立劉后疏一篇爲續

集同里陳御史

察

泰興季御史

振宜

俱有印記

文章以氣爲主如山川之有煙雲草木之有英  
華非淵源根柢所蓄深厚豈易致耶士之養氣  
剛大塞乎天壤忘利害而外生死胷中超然則

發爲文章自其胷襟流出雖與日月爭光可也  
孟軻以是著書屈原以是作離騷經與夫小辨  
曲說締章繪句以祈悅耳目者固不可同年而  
語矣唐韓愈文章號爲第一雖務去陳言不蹈  
襲以爲工要之操履堅正以養氣爲之本在德  
宗朝奏疏論宮市貶山陽令在憲宗朝上表論  
佛骨貶潮陽守進諫陳謀屢挫不屈皇皇仁義  
至老不衰宜乎高文大筆佐佑六經粹然一出  
於正使學者仰之如泰山北斗也道鄉鄒公自  
其少時處閭里游庠序登仕途其節操風流已



爲有識者之所推許至元符間職在諫省適有  
椒房之事抗章陳列危言鯁論聳動四方遠謫  
萬里及建中靖國間召還侍從又以直道不容  
于朝再謫嶺表而氣不爲之少挫遇赦得歸作  
知恩堂以居奉其母友其諸弟教訓其子姪欣  
然不知老之將至所養如此故其文章高明閎  
達溫厚深醇追古作者有黼黻之文有金石之  
聲有菽粟布帛之用信乎有德之必有言也其  
子柄榭集公平生所爲文得古律詩賦表章四  
六雜著傳記序述及紫微制草合爲四十卷將

鏤板以傳於世求序於綱義不得辭且爲之言  
曰因之治亂安危存乎言而已矣方嘉祐治平  
間上之所以求言聽納者既盡其道下之所以  
獻言開陳者又中於理上下交而志通宜乎協  
氣嘉生薰爲太平而不可跂及也其後朝廷議  
變新法言不便者接武竄逐朋黨之論浸興而  
士始以言爲諱自紹聖元符以來遂無言者當  
時臺諫具員然類皆毛舉細故以塞責甚者至  
於變亂白黑顛倒是非投時好以取世資雖謂  
之無可也獨公奮不顧身犯顏逆鱗論國事之

大者於言路閉塞之時號鳳鳴朝陽然遷謫流離屢瀕於死而任言責者益自慙艾不復激昂習熟見聞以緘默爲當然至崇寧宣和間則又甚矣燕山之役國之大故莫重於此臺諫熟視未嘗有一言及之馴至禍亂四海橫流使公是時猶存居可言之地其肯保位愛身不一開口爲社稷生靈之計雖三尺之童有以知其必不然也由是觀之公之文章垂於後世誦而讀之者想望風采其仰慕爲何如哉紹興五年歲次乙卯三月二十一日觀文殿大學士左銀青光

祿大夫李綱謹序

北湖集五卷

文淵閣傳抄本

宋吳則禮撰

溪堂集十卷

文淵閣傳抄本

宋謝逸撰

斜川集八卷

鮑以文手抄本

**宋**眉山蘇過叔黨撰

吳氏手跋曰蘇叔黨斜川集二十卷世罕傳本

余昔見書賈持售者皆宋劉過龍州道人集同名而易其姓以應好古之求耳壬午冬桐鄉甌

山錢氏云有真本與世迥異余意其爲朱竹垞  
太史之甥必曝書亭祕冊也借鮑君以文買舟  
相訪懇借而歸閱其首頁卽用賈秋壑半間堂  
事又以燕京爲長安相與大噉蓋又妄人僞作  
以欺世者簽駁數十事還之後閱王弇州題跋  
言以劉集充斜川自元季已然不自近始因歎  
廣陵散久絕人寰矣頃 朝廷纂修四庫全

書始于永樂大典各韻中纂輯詩文各若干首  
編爲六卷長元偶來京師得副墨于孫中翰溶  
借歸手錄雖零篇剩簡十得其二三然得見廬

山真面目亦平生之厚幸矣傳寫訛脫悉加足  
正又錄宋史本傳與書所載逸事數則于前從  
東坡題跋漁隱叢話書畫攷補詩四首詞宗詞  
荃補詞二首賦彙補賦一首播芳大全補表一  
首啟二首皆纂修之所未及者他日南旋當與  
鮑君共欣賞之壬寅二月二十九日太初吳長  
元書于南城張少蓬寓廬

龍雲先生文集三十二卷

明公治刊本

**宋**安成劉夤偉明撰

周必大序

紹興四年

劉璋序

宏治乙丑

文果何物耶大而天地山川細而草木鳥獸蟲  
魚靡不具焉操觚弄翰抒思棲情孰非從事於  
斯哉而蛩啾鷗聒過耳輒息因無以議爲者若  
夫覽天地之秀族山川之英擷草木之芳而極  
鳥獸蟲魚之情使日星不能輝鬼神不能靈萬  
物不能榮者一何鮮耶龍雲先生其可謂間世  
而傑出者矣先生自爲舉子時已卓詭不凡能  
藝出諸老先生右甫壯百鄉薦擢進士第繼中  
博學宏詞科元符改元進南郊大禮賦君相動

色以爲相如子雲復出卽除祕書省正字稍遷  
著作佐郎駸駸嚮用矣高麗傳誦其文力請于  
朝將待以賓師之位而降年不永竟卒于官其  
平生所爲文漫散莫考浦城所鈔纔二十有五  
卷耳雉篇大冊尙多不著良弼惜其流落冥搜  
博訪得彭德源曾如晦等手編數十卷又得宏  
詞時議諸編於內相郭明叔家合而次之得古  
律賦三宏詞四古詩一百四十律詩一百二十  
一絕句一百一生辰詩一十一挽詩一十三總  
百九十二首印本樂府六表一十七啟五十二  
止有三十九首



六元點  
今附 書四十四序一十四時議六策問四十

五記十雜著五疏語十祭文一十一碑誌一十  
二摠六百三十一篇爲三十有二卷而先生之  
文畧盡矣先生嘗語南豐文如白玉田種種渾  
璞如青翰客而有秀舉如天驥踟躕影能理颯灑  
如喬松弄芝真率徑盡如灰髀聯環而不窮也  
如疾蒐者之抱態脰而絕羶膈也如鉅齒錯列  
初若齟齬而卒乎其相承也如荀生之辯車軛  
叔向之別勞薪易牙之判淄澠而不可以非道  
入者吾固謂先生之文如此先生諱兪字偉明

古之安成人所居龍雲鄉故以龍雲名集紹興  
四年甲寅重陽日廬陵羅良弼長卿書

樂靜先生李公文集三十卷

舊抄本

**宋** 鉅野李昭玘字成季

**撰**

案群符周季貺太守藏舊抄本每葉二十行行  
二十字構字註御名二字蓋影宋本也借校一  
過缺卷與此本同卷一補摘果五古一首培花  
二聯卷八錯簡不可讀照舊抄本影寫一卷訂  
入惟周本以卷一卷三合而爲一題曰卷三卷  
十六吳正字版後半攙以他文亦賴此本正之

謝幼槃文集十卷

舊抄本

宋謝過撰

謝康樂詩規模宏遠爲一時之冠而元暉詩清新獨出又自有過人者後之善言詩者於二公蓋未敢有所優劣也本中竊以爲無逸詩似康樂幼槃詩似元暉此平等之論也紹興三年秋自嶺外北還過臨川去幼槃之沒十八年矣始盡得幼槃書於其子長訥所伏讀累日益知前語之不謬雖然幼槃與其兄無逸修身厲行在崇甯大觀間不爲世俗毫髮汙染固後進者之

師也其文字之好蓋餘事爾後之學者尊其行  
并學其文可也學其文不究其行則非二子立  
言之本志九月二十日呂本中書

臨川謝逸字無逸其文章學業爲搢紳推重以  
其所居溪堂稱之曰溪堂先生弟邁幼槃以字  
行兄弟以詩鳴江西有文集合三十卷邦之學  
士欲刊之以貽永久積數年而未能也粵紹興  
辛未趙公朝議來守是邦其年政成民服其教  
慨然思以儒雅飾吏事命勒其書於學宮以稱  
邦人之美意冒言以鉛槧董茲職於是搜訪闕

遺以相參訂晚得溪堂善本于前學正易歲又  
得幼槃善本於其子敏行葦知溪堂出處甚詳  
敏行逮事其父詩律有典型其編次是正可無  
恨矣刀筆方興士大夫翕然稱贊工未訖功而  
四方願致其集者日至以是知二公之名重當  
時欲見詩者惟恐後也聞之鄉老無逸之交游  
無非天下名士其後幼槃聲聞寢廣與之並驅  
而爭先既沒之後爲之傳序爲之哀詞祭文者  
甚眾今未暇博詢而編錄也特取舍人呂公之  
書摹其真蹟於後庶幾因呂公之文而不失二

公文行之實云壬申冬十一月辛卯朔建康苗  
昌言題

右從事郎軍事推官宋砥右文林郎軍事推官  
判官陸旻左迪功郎差兖州學教授苗昌言右  
中散大夫通判軍州主管學事嚴仲遠右朝議  
大夫知撫州軍州主管學事兼管內勸農營田  
使趙士鵬淳熙二年十二月陽夏趙煜重修

謝氏手跋曰幼槃詩文不傳於世此本從內府  
借出時方沍寒京師傭書甚貴需銓旅邸資用  
不贍乃自爲鈔寫每清霜呵凍十指如槌幾二

十日始克竣帙藏之于家亦足詫一段奇事也  
萬曆己酉十二月十四日辛酉晉安謝肇湖題  
日涉園集十卷 舊抄本

宋李彭撰

無名氏手跋曰樂易居士於永樂大典中錄出  
時乾隆辛丑之秋嘉慶二年丁巳閏六月借喜  
稻堂抄本互校另又錄八詩於各體卷末並爲  
書後附識雲泉居士

鮑氏手跋曰嘉慶五年庚申閏四月借嘉興沈  
帶湖比部 叔璣 本對寫五月初四日畢端午日

校於知不足齋

某氏手跋曰珏按集宿西林寺有先特進及先  
學士詩云楹間盤硬語怪底光炯炯追還曾高  
風熟復發深省四句又掃除尙書公墓下云非  
無玉樹郎抱官在中州又哭尙書墓云過家上  
冢非無子宿草孤墳獨可悲又次韻寄山伯肅  
老二弟云平原翁仲艸家茸種竹當年語竟空  
群從嗟予真漫叟象賢期汝繼汧公則商老爲  
公孫非姪也

灌園集二十卷

文淵閣傳抄本



宋呂南公撰

劉夢得嘗稱瀟湘間無土山無濁水民乘是氣  
往往清慧而文吾鄉麻源地氣殊異江山炳靈  
視瀟湘間爲不足道近時人物磊落相望其位  
于朝光顯者固多而隱於韋布卓立傑出如灌  
園先生者世未必知之曾子固獨愛重其文謂  
麻姑秀氣世不乏人豈虛言哉先生幼而警敏  
力學不倦於書無所不讀發爲文章雄深浩渺  
自成一家羞同舉子輩綴緝陳言氣象萎蕪迎  
合有司之好熙甯初嘗預薦試春闈不利退而

築室灌園不復以進取爲意益務著書講道發  
揮聖賢妙旨且借史筆褒善貶惡垂世立訓遂  
以袞斧名所居齋先生所養如此視一第得失  
奚足爲輕重耶元祐中在朝諸公交口稱薦欲  
命以官而先生不幸蚤世咸用盡傷余先君昔  
與之遊備知其賢每歎南城豪傑之士如李泰  
伯王補之及先生其才皆有大過人者而所享  
皆不永泰伯補之雖得卑位則旋而死先生且  
未及仕造物者何奪之速殆難以理推蓋命也  
夫先生姓呂氏諱南公字次儒其子郁亦有學

問能世其家收拾先生遺稿編成三十卷紹興  
壬戌余領漕江右巡行到鄉郡攜以見訪且屬  
爲序欲傳不朽因循久未暇作後二年移憲浙  
部不遠千里以書來請益堅義不得辭於是乎  
書南豐符行中序

金陵雜詠一卷 舊抄本

宋左朝請郎充天章閣待制知江甯軍府事武  
陽黃履著

案黃履字安中邵武人事蹟詳宋史本傳金陵  
雜詠十九首石刻本在江甯府治後移縣學元

人刻先師像于碑陰陰轉向外而正面倚壁雖  
日午非秉燭不能見乾隆中嚴子進手拓其文  
始傳于世